

Nos himno ARUBA DUSHI TERA

Diabiernawor Aruba ta celebra su dia nacional DIA DI HIMNO Y BANDERA. Nos himno pa hopi aña tabata worde toca caba y tabata bon conoci pa tur e Arubianonan. Pero e tempo ey ainda nos tabata pertenece bao Antiyas y Aruba no tabata tin su propio bandera. E anhelo grandi di e pueblo ta pa un dia Aruba tin su mes un bandera y deseo aki a worde realiza na aña 1976 caminda tambe e cancion "Aruba dushi Tera" a bira nos himno oficialmente.

"Aruba dushi tera" a worde compone pa Rufo Wever y Padu Lampe kendenan na aña 1952 a sinti e necesidad pa bini cu un cancion cu ta expresa e sentimentonan y e amor di e pueblo di Aruba.

E pregunta a surgi si e pieza mester worde traha den ritmo di marcha, ya cu su finalidad ta pa crea amor y lanta e sentimentonan patriotico pa Aruba, of na un wals cu ta un ritmo tipico di nos folklore musical.

Esaki no tabata un problema sin solucion, ya cu e

cancion a worde compone na un manera cu e pieza por worde interpretata, toca tanto den ritmo di marcha como ritmo di wals.

Pa motibonan technico fuera di alcance di e compositornan e cancion "Aruba Dushi Tera" no por a worde graba y lanza ariba plaza pa nan mes manera tabata nan customber.

Pero esey no a kita afor cu e pieza no por a rezona na radionan. Na aña 1954 dos radioemisora local a yega di toca e cancion "Aruba Dushi Tera" den ritmo di marcha.

Y na mes un aña tambe e cancion aki a worde hinca den repertorio di "De Trupialen" bao guia di Frere Alexius, caminda poco poco e cancion a haya mas popularidad. Den corto tempo tur e muchanan di school tabata sa e cancion y tabata cante hasta durante aubadenan na ocasionnan oficial di Gobierno.

Door di esey tambe a crece e iniciativa cerca Frere Alexius caminda na aña 1954 Radi oKelkboom a graba y lanza un disco 78 rpm di

"Aruba Dushi Tera" canta pa e grupo juvenil "De Trupialen", bao direccion di Frere Alexius y compaña na piano pa Padu Lampe.

Dia 21 di Jasuari 1976 Gobierno Insular di Aruba a instala un comision di seis ciudadano prominente y a-politico di comunidad cu e tarea pa conseha Gobierno si "Aruba Dushi Tera" por bira e himno nacional y den cual ritmo, sea wals of marcha.

Unanimamente e comision a bay di acuerdo den voto secreto pa proclama "Aruba Dushi Tera" como e Himno Nacional. E recomendacion a worde entrega dia 25 di Februari 1976 y ariba 16 di Maart 1976 Parlamento di Aruba a aproba "Aruba Dushi Tera" como e himno oficial di Aruba.

Dos dia despues 18 di Maart 1976 nos Himno "Aruba Dushi Tera" a rezona oficialmente na unda tambe nos bandera a worde inaugura oficialmente den un Wilhelmina Stadion completamente yen.

ARUBA DUSHI TERA

*Aruba patria aprecia,
nos cuna venera,
chiquito y simpel bo por ta
pero si respeta*

*(Coro:)
O, Aruba dushi tera,
nos baranca tan stima
nos amor pabo ta sina grandi
cun tin nadda pa kibre! (bis)*

*Bo playanan tan admira
cu palma tur dorna,
bo escudo y bandera ta
orguyo di nos tur!*

(Coro:)

*Grandeza di bo pueblo ta
su gran cordialidad,
cu Dios por guia y conserva
su amor pa libertad!*

(Coro:)



*Dios Bendiciona Nos
Isla Stima, Aruba,
Especialmente Ariba E
Dia Di Himno Y*



Funeraria Zepp Wever N.V.



*Cantando Nos Himno Y
Hisando Nos Bandera, Nos
Ta Demonstra Cuanto Nos Ta
Stima E Isla Aki..*

ARUCAR N.V.

- Lada
- Subaro
- VW

